



Broj: 02-50-1-16-47/10

Sarajevo, 24.6.2010.

BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM

PREDMET: Obavještenje s 47. sjednice Doma naroda Parlamentarne skupštine BiH

Dom naroda Parlamentarne skupštine BiH je na 47. sjednici, održanoj 24.6.2010., razmatrao sljedeće tačke dnevnog reda:

1. Zahtjev Vijeća ministara BiH za razmatranje Prijedloga zakona o izmjenama i dopunama Zakona o graničnoj kontroli po hitnom postupku, u skladu s članom 122. Poslovnika;
2. Prijedlog zakona o izmjeni i dopunama Zakona o carinskoj politici Bosne i Hercegovine (drugo čitanje), predlagač: Vijeće ministara BiH;
3. Prijedlog zakona o izmjenama i dopunama Zakona o finansiranju političkih partija (drugo čitanje), predlagači: delegati Dušanka Majkić, Ilija Filipović i Hazim Rančić;
4. Prijedlog revidirane strategije Bosne i Hercegovine za provođenje Aneksa VII. Dejtonskog mirovnog sporazuma (drugo čitanje), akt Ministarstva za ljudska prava i izbjeglice, broj: 01–37–310/10, od 15.2.2010.;
5. Prijedlog zakona o izmjenama Zakona o javnim nabavkama Bosne i Hercegovine (prvo čitanje), predlagač: Predstavnički dom;
6. Prijedlog zakona o izmjenama i dopunama Zakona o polaganju pravosudnog ispita u Bosni i Hercegovini (prvo čitanje), predlagač: Vijeće ministara BiH;
7. Prijedlog izmjena i dopuna Kodeksa ponašanja poslanika i delegata u Parlamentarnoj skupštini BiH (prvo čitanje), predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku;
8. Izvještaj o radu Državne regulatorne komisije za električnu energiju u 2009. godini;
9. Izvještaj o radu Upravnog odbora Izvozno-kreditne agencije Bosne i Hercegovine za 2009. godinu;
10. Izvještaj o zaštiti ličnih podataka u Bosni i Hercegovini;

11. Izvještaj o radu Državne agencije za istrage i zaštitu (SIPA) za 2009. godinu, sa Izjašnjenjem o određenim pitanjima;
12. Izvještaj o radu Nezavisnog odbora kao nezavisnog tijela policijske strukture u BiH za 2009. godinu i Plan rada Nezavisnog odbora kao nezavisnog tijela policijske strukture u BiH za 2010. godinu;
13. Informacija o stanju sigurnosti u Bosni i Hercegovini u 2009. godini;
14. Informacija o radu Tužilaštva Bosne i Hercegovine za 2009. godinu;
15. Imenovanje pet članova Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud BiH, strani sudovi za djela predviđena Krivičnim zakonom BiH ili međunarodnim ugovorom, čiji je potpisnik BiH, ili drugi sud u skladu sa zakonom BiH (prijedlog liste kandidata Privremene zajedničke komisije oba doma, 30.3.2010.);
16. Imenovanje vršioca dužnosti direktora Agencije za prevenciju korupcije i koordinaciju borbe protiv korupcije;
17. Utvrđivanje smjernica za djelovanje privremenim delegacijama koje, u ime Bosne i Hercegovine, učestvuju na međunarodnim skupovima, predlagač: delegat Slobodan Šaraba;
18. Prijedlog za imenovanje članova iz Doma naroda u Interresornu radnu grupu koja bi radila na izmjeni (akt Ministarstva pravde BiH)
 - Zakona o ministarstvima i drugim organima uprave BiH
 - Zakona o Vijeću ministara BiH
 - Zakona o državnoj službi u institucijama BiH
 - Zakona o reviziji institucija BiH
 - Zakona o upravi
 - Zakona o javnim nabavkama BiH;
19. Davanje saglasnosti za otkazivanje Evropske konvencije o zaštiti arheološke baštine, usvojene u Londonu 6.5.1969.
20. Davanje saglasnosti za ratifikaciju Sporazuma o vojnom grantu između Vijeća ministara BiH i Vlade Republike Turske, Provedbenog protokola o finansijskoj pomoći između Ministarstva odbrane BiH i Generalštaba Republike Turske i Logističkog provedbenog protokola između Ministarstva odbrane BiH i Generalštaba Republike Turske;
21. Davanje saglasnosti za ratifikaciju Sporazuma o finansiranju i projektu između KfW-a, Frankfurt na Majni, i Bosne i Hercegovine i Federacije Bosne i Hercegovine i Javnog preduzeća "Elektroprivreda Hrvatske zajednice Herceg-Bosne" d.d. Mostar (EPHZHB) za projekat „Dopunske mjere za Vjetroelektranu Mesihovina“;

22. Davanje saglasnosti za ratifikaciju Evropske povelje o regionalnim i manjinskim jezicima – Strasbourg, 5.11.1992.;
23. Davanje saglasnosti za ratifikaciju Sporazuma između Vijeća ministara BiH i Vlade Republike Francuske o saradnji u oblasti unutrašnje sigurnosti;
24. Davanje saglasnosti za ratifikaciju Sporazuma o zajmu između Bosne i Hercegovine i Evropske banke za obnovu i razvoj – *Projekat plinifikacije Srednjobosanskog kantona*;
25. Davanje saglasnosti za ratifikaciju Protokola o vodi i zdravlju uz Konvenciju o zaštiti i korištenju prekograničnih vodotoka i međunarodnih jezera iz 1992.;
26. Davanje saglasnosti za ratifikaciju Ugovora između Bosne i Hercegovine i Svete Stolice o dušebrižništvu katoličkih vjernika, pripadnika Oružanih snaga Bosne i Hercegovine;
27. Davanje saglasnosti za ratifikaciju Sporazuma o zajmu između Bosne i Hercegovine i Međunarodne banke za obnovu i razvoj – *Projekat za otpadne vode u Sarajevu*;
28. Davanje saglasnosti za ratifikaciju Sporazuma o zajmu i projektu KfW, Frankfurt na Majni, i Bosne i Hercegovine i Federacije Bosne i Hercegovine i Javnog preduzeća “Elektroprivreda Hrvatske zajednice Herceg-Bosne” d.d. Mostar za projekat „Vjetroelektrana Mesihovina“.

Ad.1.

Dom naroda **usvojio je** Zahtjev Vijeća ministara BiH za razmatranje Prijedloga zakona o izmjenama i dopunama Zakona o graničnoj kontroli po hitnom postupku, nakon čega je Zakon usvojen.

Ad.2.

Dom naroda **usvojio je** Zakon o izmjeni i dopunama Zakona o carinskoj politici Bosne i Hercegovine u predloženom tekstu.

Ad.3.

Dom naroda **usvojio je** Zakon o izmjenama i dopunama Zakona o finansiranju političkih partija.

Ad.4.

Dom naroda **usvojio je** Revidiranu strategiju Bosne i Hercegovine za provođenje Aneksa VII. Dejtonskog mirovnog sporazuma u predloženom tekstu.

Ad.5.

Dom naroda **usvojio je u prvom čitanju** Prijedlog zakona o izmjenama Zakona o javnim nabavkama Bosne i Hercegovine čiji je predlagač Predstavnički dom.

Ad.6.

Prijedlog zakona o izmjenama i dopunama Zakona o polaganju pravosudnog ispita u Bosni i Hercegovini nije dobio potrebnu entitetsku većinu, pa slijedi usaglašavanje u Kolegiju kao komisiji.

Ad.7.

Dom naroda **usvojio je u prvom čitanju** Prijedlog izmjena i dopuna Kodeksa ponašanja poslanika i delegata u Parlamentarnoj skupštini BiH.

Ad.8.

Dom naroda **usvojio je** Izvještaj o radu Državne regulatorne komisije za električnu energiju u 2009. godini.

Ad.9.

Dom naroda **usvojio je** Izvještaj o radu Upravnog odbora Izvozno-kreditne agencije Bosne i Hercegovine za 2009. godinu.

Ad.10.

Dom naroda **usvojio je** Izvještaj o zaštiti ličnih podataka u Bosni i Hercegovini.

Ad.11.

Dom naroda **usvojio je** Izvještaj o radu Državne agencije za istrage i zaštitu (SIPA) za 2009. godinu, sa Izjašnjenjem o određenim pitanjima.

Ad.12.

Dom naroda **usvojio je** Izvještaj o radu Nezavisnog odbora kao nezavisnog tijela policijske strukture u BiH za 2009. godinu i Plan rada Nezavisnog odbora kao nezavisnog tijela policijske strukture u BiH za 2010. godinu.

Ad.13.

Dom naroda **primio je k znanju** Informaciju o stanju sigurnosti u Bosni i Hercegovini u 2009. godini sa sljedećim zaključkom:

„Zadužuje se Vijeće ministara BiH da, s ciljem poboljšanja postojećih zakonskih rješenja, što prije uputi u parlamentarnu proceduru prijedloge zakona navedene u dijelu Informacije koji se odnosi na mjere i radnje u prvih šest mjeseci 2010., a to se prije svega odnosi na: Prijedlog zakona o izmjenama i dopunama Zakona o krivičnom postupku, Prijedlog zakona o izmjenama i dopunama Zakona o sprečavanju i suzbijanju zloupotrebe opojnih droga, Prijedlog zakona o izmjenama i dopunama Zakona o graničnoj kontroli, te Prijedlog zakona o izmjenama i dopunama Zakona o Državnoj agenciji za istrage i zaštitu.“

Ad.14.

Dom naroda **nije primio** k znanju Informaciju o radu Tužilaštva Bosne i Hercegovine za 2009. godinu.

Ad.15.

Dom naroda imenovao je: **Milu Lasića, Semihu Borovac, Predraga Crnogorca, Damira Čačkovića i Milanu Škipina** za članove Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud BiH, strani sudovi za djela predviđena Krivičnim zakonom BiH ili međunarodnim ugovorom čiji je potpisnik BiH ili drugi sud u skladu sa zakonom BiH.

Ad.16.

Dom naroda **imenovao je** zamjenika ministra sigurnosti BiH Miju Krešića za vršioca dužnosti direktora Agencije za prevenciju korupcije i koordinaciju borbe protiv korupcije. Također, usvojen je sljedeći zaključak:

„Dom naroda Parlamentarne skupštine BiH zadužuje zamjenika ministra sigurnosti BiH Miju Krešića da obavlja dužnost vršioca dužnosti direktora Agencije za prevenciju korupcije i koordinaciju borbe protiv korupcije do izbora direktora Agencije na osnovu Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“, broj 103/09), a najdalje do 1.8.2010.“

Ad.17.

Povodom rasprave o tački „Utvrđivanje smjernica za djelovanje privremenim delegacijama koje, u ime Bosne i Hercegovine, učestvuju na međunarodnim skupovima“, čiji je predlagatelj delegat Slobodan Šaraba, Dom naroda usvojio je zaključak koji je identičan usvojenom zaključku u Predstavničkom domu, a koji glasi:

„Do reguliranja pitanja formiranja, rada i nastupa privremenih delegacija Parlamentarne skupštine BiH u poslovnica oba doma, delegacije imaju obavezu da održe sastanak kad god je potrebno usaglasiti način zajedničkog djelovanja o pitanjima koja su na dnevnom redu međunarodnog skupa“.

Ad.18.

Dom naroda **imenovao je sljedeće članove iz** Doma naroda u Interresornu radnu grupu:

- a. **Almu Čolo** za Zakon o ministarstvima i drugim organima uprave BiH i Zakon o Vijeću ministara BiH,
- b. **Ivu Miru Jovića** za Zakon o državnoj službi u institucijama BiH i Zakon o upravi,

c. Zorana Koprivicu za Zakon o reviziji institucija BiH i Zakon o javnim nabavkama BiH.

Ad.19.

Dom naroda dao je saglasnost za otkazivanje Evropske konvencije o zaštiti arheološke baštine, usvojene u Londonu 6.5.1969.

Ad.20., 21., 22., 23., 24., 25., 26., 27. i 28.

Dom naroda dao je saglasnost za ratifikaciju:

- Sporazuma o vojnom grantu između Vijeća ministara BiH i Vlade Republike Turske, Implementacioni protokol o finansijskoj pomoći između Ministarstva odbrane BiH i Generalštaba Republike Turske i Logistički implementacioni protokol između Ministarstva odbrane BiH i Generalštaba Republike Turske;
- Sporazuma o finansiranju i projektu između KfW-a, Frankfurt na Majni, i Bosne i Hercegovine i Federacije Bosne i Hercegovine i Javnog preduzeća “Elektroprivreda Hrvatske zajednice Herceg-Bosne” d.d. Mostar (EPHZHB) za projekat „Dopunske mjere za Vjetroelektranu Mesihovina“;
- Evropske povelje o regionalnim i manjinskim jezicima – Strasbourg, 5.11.1992.;
- Sporazuma između Vijeća ministara BiH i Vlade Republike Francuske o saradnji u oblasti unutrašnje sigurnosti;
- Sporazuma o zajmu između Bosne i Hercegovine i Evropske banke za obnovu i razvoj – Projekat plinifikacije Srednjobosanskog kantona;
- Protokola o vodi i zdravlju uz Konvenciju o zaštiti i korištenju prekograničnih vodotoka i međunarodnih jezera iz 1992.;
- Ugovora između Bosne i Hercegovine i Svete Stolice o dušebrižništvu katoličkih vjernika, pripadnika Oružanih snaga Bosne i Hercegovine;
- Sporazuma o zajmu između Bosne i Hercegovine i Međunarodne banke za obnovu i razvoj – Projekat za otpadne vode u Sarajevu;
- Sporazuma o zajmu i projektu KfW, Frankfurt na Majni, i Bosne i Hercegovine i Federacije Bosne i Hercegovine i Javnog preduzeća “Elektroprivreda Hrvatske zajednice Herceg-Bosne” d.d. Mostar za projekat „Vjetroelektrana Mesihovina“.

PREDSJEDAVAJUĆI

DOMA NARODA

